

Ն ՈՐ Գ Ր Ք Ե Ր

Կ. Ս. ԽՈՒԳԱՎԵՐԴՅԱՆ — «Կուլտուրական հեղափոխությունը Սովետական Հայաստանում», ՀՍՍՌ ԳԱ հրատարակչություն, 1966 թ., տպաքանակը՝ 2000, 302 էջ, գինը՝ 1 ռ. 05 կ.

Մենագրությունը լույս է տեսել ռուսերեն լեզվով: Այն բաղկացած է երեք գլուխներից, որոնցում հեղինակը հանգամանորեն ցույց է տալիս Սովետական Հայաստանում կատարված կուլտուրական վերափոխումները՝ սկսած 1920 թվականից և հասցնում է մինչև 1940 թվականը:

Գիրքն ունի անգլերեն լեզվով ամփոփում, դրականության և օգտագործված աղբյուրների ու անձնանունների ցանկ:

ՍԵՐԻԿ ԴԱՎԹՅԱՆ — «Հայկական ժանյակ», ՀՍՍՌ ԳԱ հրատարակչություն, 1966 թ., տպաքանակը՝ 2000, գինը՝ 1 ռ.

Ուսումնասիրությունը նվիրված է հայկական ասեղնագործ ժանյակին: Հեղինակը սլարյուրանում է հայկական ժանյակի տեսակները, զրանց կատարման հնարները, աշխարհագրական տարածման, ազդագրական ու զեղարվեստական առանձնահատկություններին վերաբերող բազմաթիվ հարցեր:

Աշխատությանը կցված են ալբոմ (ուր զետեղված են հայկական ժանյակների ավելի քան 125 նկար), ամփոփումներ ռուսերեն, ֆրանսերեն և անգլերեն լեզուներով:

ԼՈՒՍԻԿ ԿԱՐԱՊԵՏՅԱՆ — «Թլկատինցի», ՀՍՍՌ ԳԱ հրատարակչություն, 1966 թ., տպաքանակը՝ 2000, 202 էջ, գինը՝ 57 կ.

Այս գրքում առաջին անգամ փորձ է արվում ներկայացնելու Թլկատինցու դրական ժառանգությունը: Աշխատության հեղինակը արխիվային հարուստ նյութերի և նորահայտ փաստերի օգտագործմամբ տվել է գրողի կյանքն ու զրական-մանկավարժական գործունեությունը, մանրամասն վեր է լուծել նրա քաղաքական ստեղծագործությունը, ցույց է տվել Թլկատինցու զեմոկրատական աշխարհայացքն ու ժողովրդայնությունը, որոնք անմիջականորեն կապվում են անցյալ դարի հայ աշխատավորության կյանքի բարելավման, նրան շահագործումից ու բռնակալությունից փրկելու հեռանկարների հետ: